

ЎЗБЕКИСТОН РЕСПУБЛИКАСИ  
ЎРМОН ХЎЖАЛИГИ ДАВЛАТ ҚЎМИТАСИ

“РЎЙХАТГА ОЛИНДИ”

Тошкент шаҳрийи Республиқа

тумани Давлат кундузлари

маркази ташомидан

“28 ” июн №253-02/000253

сон билдириб ўзбекистон олини.



Ўзбекистон Республикаси

Ўрмон хўжалиги

давлат қўмитасининг

2017 йил 11 сентябрь

85-сонли Буйруғи билан  
тасдикланган



ТОШКЕНТ ДАВЛАТ  
ЎРМОН ХЎЖАЛИГИ  
НИЗОМИ

Ўрмон хўжалиги давлат қўмитасининг  
2017 йил “ 11 ” сентябрдаги  
85-сонли буйруғига 2-илова

**Ўзбекистон Республикаси Ўрмон хўжалиги давлат қўмитаси  
Тошкент вилояти Угам-Чотқол давлат миллий боғи  
ўрмон хўжалиги бошқармаси**

**Тошкент давлат ўрмон хўжалиги  
НИЗОМИ**

**1- боб. Умумий коидалар**

1. Ушбу Низом Ўзбекистон Республикаси Ўрмон хўжалиги давлат қўмитаси Тошкент вилояти Угам-Чотқол давлат миллий боғи ўрмон хўжалиги бошқармаси Тошкент давлат ўрмон хўжалигининг (бундан буён матнда “Муассаса” деб аталади) мақоми, асосий вазифалари ва функциялари, ҳуқуқлари ва жавобгарлиги, шунингдек фаолиятини ташкил этиш тартибини белгилайди.

2. Муассаса ўрмонларни барпо этиш, кўпайтириш, қайта тиклаш, муҳофаза қилиш ва қўриклиш, ўрмонлардан оқилона фойдаланиш, муҳофаза этиладиган табиий ҳудудлар ишларини ташкил этиш ва юритишни амалга оширувчи давлат ташкилоти хисобланади.

Муассаса Ўзбекистон Республикаси Ўрмон хўжалиги давлат қўмитаси, Тошкент вилояти Угам-Чотқол давлат миллий боғи ўрмон хўжалиги бошқармасига бўйсунади ва унга хисобот беради.

3. Муассаса ўз фаолиятини Ўзбекистон Республикасининг Конституцияси ва конунларига, Ўзбекистон Республикаси Олий Мажлиси палаталарининг қарорларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Махкамасининг қарорлари ва фармойишларига, ушбу Низомга, шунингдек бошқа қонун хужжатларига амал киласди.

4. Муассаса ўз фаолиятини давлат ва хўжалик органлари, махаллий давлат хокимияти органлари, нодавлат нотижорат ташкилотлар, хорижий ва халкаро ташкилотлар ҳамда бошқа ташкилотлар билан ҳамкорликда амалга оширади.

5. Муассаса ўз ваколатлари доирасида чиқарилган буйруклар ҳодимлар томонидан бажарилиши мажбурийдир.

6. юридик шахс хисобланади, Ўзбекистон Республикасининг Давлат гербидан



тасвири ва ўз номи туширилган мухр ва бланкаларга, банк ҳисоб рақамига (жумладан чет эл валютасидаги ҳисоб рақамга) эга бўлади.

7. Муассасанинг жойлашган жойи (почта манзили): Тошкент вилояти Пискент тумани Амир Темур кўчаси 57 уй, индекс 111400.

## **2-боб. Муассасанинг асосий вазифалари ва функциялари**

8. Куйидагилар хўжаликнинг асосий вазифалари ҳисобланади:

ўрмон бойликларини ҳар томонлама купайтириш ва улардан оқилона фойдаланиш;

ўрмон тўғрисидаги конун ва конун ости ҳужжатларини такомиллаштириш бўйича таклифлар ишлаб чиқишида иштирок этиш ҳамда уларга риоя этиш ва назорат қилиш;

ўрмон фонди ва муҳофаза этиладиган табиий ҳудудларни самарали бошқаришни ташкил этиш, ўрмон барпо этиш, уларни қайта тиклаш, қўриқлаш, муҳофаза қилиш, ўрмонлардан оқилона ва тежамли фойдаланиш;

Хўжаликда ўрмонларни тиклаш ва ихота ўрмонларини кўпайтириш чоратадбирларини ишлаб чиқиш ва амалга ошириш, тоғ ёнбагирлари, жарликлар ва ташландик ерларда эрозияга қарши дараҳтзорлар барпо этиш ишлари бажарилишини ташкил қилиш;

ўрмон фондини, фауна ва флорасини ўрганиш ҳамда уларнинг қатъий ҳисобини юритиш, ўрмон хўжалигини юритиш амалиётига фан ютуклари ва илгор тажрибани жорий этиш;

ўрмонларни ёнғинлардан, зааркунанда ва касалликлардан, ноконуний дараҳт кесишдан ва бошқа ўрмон тўғрисидаги конун ҳужжатларини бузилишларидан муҳофаза қилиш;

худудлардаги ўрмонларни зааркунанда, касалликлардан саклаш мақсадида хўжаликдаги биолабораторияда биомахсулотлар ишлаб чиқариш ва етказиб беришни таъминлаш;

Муассасада бир-бирига боғлиқ бўлган хўжалик фаолиятини кенгайтириш ва ривожлантириш, нихол ва кўчат етиштириш, доривор ўсимликлар хом-ашёсини йиғиш, кишлоқ хўжалик махсулотлари етиштириш, асаларичилик, балиқчилик, чорвачилик, паррандачилик, қуёнчилик махсулотларини етиштириш ҳамда уларни чукур қайта ишлаш, ахолига пуллик ва майший хизматлар кўрсатиш, халк истеъмоли товарлари ишлаб чиқаришни ташкил этиш;

Муассаса фаолиятига халқаро молия институтлари грантларини жалб этиш ва экологик туризмни кенг кўламда ривожлантириш.



9. Хўжалик ўзига юкланган асосий вазифаларга мувофиқ қуидаги функцияларни амалга оширади:

**а) ўрмон бойликларини хар томонлама кўпайтириш ва улардан оқилона фойдаланиш соҳасида:**

ўрмон барпо этиш орқали уларнинг майдонларини кенгайтириш, қайта тиклаш, муҳофаза қилиш, улардан фойдаланиш фаолиятини ривожлантириш ва самарадорлигини ошириш;

Муассаса ўрмон худудларнинг келгусида режалаштириладиган ишларини прогнозлаштириш, давлат идоралари, маҳаллий ҳокимликлар, Ўзбукистон Республикаси Ўрмон хўжалиги давлат қўмитаси ҳамда Тошкент вилояти Угам-Чотқол миллий табиат боғи ўрмон хўжалиги бошқармаси билан биргаликда соҳани ривожлантиришнинг давлат ва маҳаллий дастур ҳамда бош режа (схема)ларни ишлаб чиқиша иштирок этиш;

Муассаса хисоб ва хисобот юритилишини ҳамда мол-мулк сақланишини, хисобга олинишини ва хисобдан чиқарилишини таъминлаш, етказилган моддий заарни ундириш чораларини кўриш;

ўрмонларни давлат хисобини ва давлат ўрмон кадастрини, ўсимлик ва ҳайвонот дунёси кадастрини юритиш;

фукароларни қабул қилишни ташкил этиш, жисмоний ва юридик шахсларнинг мурожаатларини ўз вақтида ва тўлиқ кўриб чиқилишини таъминлаш;

**б) ўрмон тўғрисидаги қонун хужжатларини такомиллаштириш бўйича таклифлар ишлаб чиқиш ва уларга риоя этилишини амалий назорат қилиш соҳасида:**

ўрмонларни, ўсимлик ва ҳайвонот дунёсини муҳофаза қилиш, улардан оқилона фойдаланиш, муҳофаза этиладиган табиий худудлар фаолиятини тартибга солиш ва улардан фойдаланиш соҳасида норматив-хукукий хужжатлар лойиҳаларини ишлаб чиқиша таклифлари билан иштирок этади ва Ўзбукистон Республикаси Ўрмон хўжалиги давлат қўмитаси, Тошкент вилояти Угам-Чотқол миллий табиат боғи ўрмон хўжалиги бошқармаси ҳамда юкори ташкилотга тақдим этади;

ўрмон фондида дараҳт ва буталарни парваришлаш ёки мақсадли фойдаланиш учун кесиш ҳажимларини белгилаш ва тасдиқга киритиш;

хўжалик ўрмон фонди ерларида ўрнатилган режимга риоя қилиниши, ўсимлик ва ҳайвонот дунёсини муҳофаза қилиш ва улардан фойдаланиш соҳасидаги норматив-хукукий хужжатлар ҳамда ов қилиш қоидлари ижроий устидан назоратни амалга ошириш;



ўрмон фонди яйловларида чорва молларини ўтлатиш, уларни яйловларда жойлаштириш ва ўрмон фонди ерларидан қонун ва қонун ости хужжатлариға асосан фойдаланиш;

**в) ўрмон фонди ва муҳофаза этиладиган табиий ҳудудларни самарали бошқаришни ташкил этиш, ўрмон барпо этиш, уларни қайта тиклаш, кўриқлаш, муҳофаза қилиш, ўрмонлардан оқилона ва тежамли фойдаланиш соҳасида:**

Муассаса муҳофаза этиладиган табиий ҳудудларни юритишида жорий ва истиқболга мўлжалланган тадбирлар тизимини қамраб олган лойиха кидирув тадбирларини ишлаб чиқиш ва амалга оширишни назорат қилиш;

**г) ўрмонларни тиклаш ва ихота ўрмонларини кўпайтириш чоратадбирларини ишлаб чиқиш ва амалга ошириш, тоғ ёнбағирлари, жарликлар ва ташландик ерларда эрозияга қарши дараҳтзорлар барпо этиш ишлари бажарилишини ташкил қилиш соҳасида:**

ўрмон фонди ҳудудидаги тоғ ва тоғ олди яйловларининг ҳолатини яхшилаш, бойитиш, маҳсулдорлигини ошириш, кум кўчишини олдини олиш ва уларни мустахкамлаш, ҳудудларда чўлланишга карши дараҳт ва буталар экиш тадбирларини амалга ошириш;

сувни асровчи ўрмонларни, дараҳтзор ерларни, аҳоли яшаш жойлари атрофидаги кўкаламзорлашган ҳудудларни ҳамда иклимини тартибга солиш, санитария-гигиена, соғломлаштириш ва бошқа ҳимоя функцияларини бажарувчи бошқа дараҳтзорларни сақлаш ва уларнинг ҳолатини яхшилаш тадбирларини ишлаб чиқиш ва уни амалга ошириш;

кишлок хўжалиги корхоналари ва бошқа ердан фойдаланувчилар ҳудудида шунингдек, тоғ ёнбағирларида (терасса), жарликларда, қияликларда, яроқсиз ҳолдаги қазилмалар бўлган жойларда, ташландик ерларда шартнома асосида ихота дараҳтзорлари барпо этиш ҳамда марказлашган манбалар ҳисобидан янги қурилаётган, реконструкция килинаётган йўллар, бино ва иншоотлар атрофларини кўкаламзорлаштириш бўйича лойиҳаларни ишлаб чиқиш ва мазкур ишларни амалга оширишни ташкил этиш;

**д) ўрмон фондини фауна ва флорасини ўрганиш ҳамда уларнинг қатъий ҳисобини юритиши, ўрмон хўжалигини юритиши амалиётига фан ютуқлари ва илғор тажрибани жорий этиш соҳасида:**

Муассасанинг ўрмон фондида манзарали, мевали ва ёнгоқ мевали ўсимликлар кўчатчилигини ривожлантириш, кўчатлар етиштиришнинг илмий асосларини ҳамда истиқболли технологиялари ишлаб чиқилиши ва жорий этилишини ташкил этиш;



Муассасанинг бўлимларида ўсимлик ва ҳайвонот дунёсини қайта тиклаш, кўпайтириш ва улардан фойдаланиш мақсадида плантация ва питомниклар ташкил этиш;

Минтақаларнинг тупрок-иқлим шароитларини ҳисобга олган ҳолда ўрмон фондида манзарали, доривор, техник ва озуқабоп ўсимликларни етиштириш бўйича тавсиялар ишлаб чиқиш ва амалиётга жорий этиш;

манзарали ўсимликларни ўстириш мақсадида турли хўжалик юритувчи субъектларга илмий-методик ва ишлаб чиқариш ёрдамини кўрсатиш;

ўрмон фонди худудида техник, доривор ва озуқабоп ўсимликлар дехқончилигини ва уларни йиғиши, тайёрлаши борасидаги илмий ва амалий ишларни мувофиқлаштириш, илмий-тадқиқот муассасалари билан биргаликда ёввойи ҳолда ўсувлари доривор ва озуқабоп ўсимликларнинг тарқалиш худудини ва мавжуд ресурсларини ўрганиш, уларни йиғиши ва тайёрлаш бўйича таклифлар бериш;

Муассаса бўлимларида ишлаб чиқаришни комплекс механизациялаш ва автоматлаштириш тадбирларини амалга ошириш, соҳага юқори самарали ресурс тежамкор технологияларни жорий этиш;

**е) ўрмонларни ёнғинлардан, зааркунанда ва касалликлардан, ноқонуний дараҳт кесишдан ва бошқа ўрмон тўғрисидаги қонун хужжатларининг бузилишларидан муҳофаза қилиш соҳасида:**

ўрмонларни ёнғиндан саклаш мақсадида мавсумий ёнғинга қарши кураш инспекторларини тайинлаш, ўрмон бўлимларида ёнғин ҳавфсизлигини таъминлаш мақсадида тарғибот ва ташвиқот ишларини олиб бориш, аншлаглар ўрнатиш, сув захираларини тўплаш, дараҳтларни ўзбошимчалик билан кесишни олдини олиш, ўрмон фонди ерларида ноқонуний чорва молларини бокиши, ўрмон фонди ерларида чикиндилар ташлашга йўл кўймаслик, ўрмоналар патологиясини ўрганиш натижаларига кўра ўрмон зааркунандалари ва касалликларини ҳисобга олиб, уларга қарши биологик ва механик усулларда курашишни ташкил этиш, касалликлар келиб чиқадиган ўчокларни топиб, тегишли чора кўриш ҳамда ўрмонга зарар етказадиган бошқа хатти-харакатлардан муҳофаза қилиш;

**ж) ўрмон хўжалигида бир-бирига боғлиқ бўлган хўжалик фаолиятини кенгайтириш ва ривожлантириш, қўчат етиштириш, доривор ўсимликлар ҳом-ашёсини йиғиши, қишлоқ хўжалик маҳсулотлари етиштириш, асаларичилик, балиқчилик, чорвачилик, паррандачилик ва қуёнчилик маҳсулотларини етиштириш ҳамда уларни чуқур қайта ишлаш, халқ истеъмоли товарлари ишлаб чиқаришни ташкил этиш, ахолига пуллик хизмат кўрсатиш соҳасида:**



доривор, озукабоп ва техник ўсимликлар уруғларини тайёрлаш, шунингдек ўз эҳтиёжлари ва бошқа истеъмолчиларнинг талабларини қондириш учун юқори навли кўчат ва уруғлар етиширилишини таъминлаш;

ёғоч-тахта тайёрлашни, шунингдек хўжаликда ёғочга ишлов бериш, мини цехлар ташкил этиш, ёғоч чиқиндиларидан халқ истеъмол товарлари ишлаб чиқаришни, ўрмонларда қўшимча равишда фойдаланиладиган маҳсулотлар тайёрлашни ташкил этиш;

ўрмондан қўшимча фойдаланишдан олинадиган маҳсулотларни қайта ишлаш учун кичик линиялар ташкил этиш, ушбу соҳани ривожлантириш мақсадида конунчиликда белгиланган ҳолларда ва тартибда ташкил этиш;

ўрмон фонди ерларида кишлоқ хўжалиги ва доривор экинлар, мевали ва ёнғоқ мевали дараҳтларнинг ҳосилдорлиги оширилишини, маҳсулотлар етишириш ва бошқа ижара муносабатлари бўйича тузилган шартномаларнинг бажарилишини ташкил қилиш;

ўрмон фонди ерларидағи хайдаладиган ерлар ва ёш ўрмонзорлар қатор ораларида кишлоқ хўжалиги экинлари экиб, кишлоқ хўжалиги маҳсулотлари етишириш;

ахолига пуллик хизмат кўрсатишни ташкил этиш;

худуддаги ўрмон фонди ерларида чорвачилик, паррандачилик, балиқчилик ва куёнчилик соҳасини ташкил этиш ва ривожлантириш.

**з) тармоқка ҳалқаро молия институтлари грантларини жалб этиш ва экологик туризмни кенг кўламда ривожлантириш соҳасида:**

Муассасанинг ўрмон фонди ҳудудида экотуризмни ривожлантириш чоратадбирлари дастури (экотуризм йўналиш (маршрут)ларини, экотуристик хизматлар кўрсатиш бўйича нархлар)ни ишлаб чиқиш ва унинг ижросини таъминлаш;

ўрмон хўжалиги соҳасида иқтисодий ислоҳотларни чуқурлаштириш, экспорт-импорт ишларини ташкил этишда ҳалқаро ва бошқа молия институтларининг грант маблағлари ҳамда инвестицияларини жалб қилиш, фан ютуклари ва илғор тажрибаларни ўрмон хўжалигини юритиш амалиётига жорий этиш.

10. Муассаса ўзига юклangan вазифалар ва функцияларни бевосита, шунингдек ўзининг ҳудудий бўлинмалари оркали амалга оширади.

### **3-боб. Муассасанинг хуқуклари ва жавобгарлиги**

11. Муассаса ўзига юклangan вазифа ва функцияларини амалга ошириш учун куйидаги хуқукларга эга:

давлат ўрмон фонди ерларида ўрмонларнинг давлат мониторингини, давлат ўрмон кадастрини, ўрмонларнинг давлат хисобини юритишни ҳамда ўсимликтарни олинишни ташкил этиш; давлат ўрмон фонди ерларида ўрмонларнинг давлат мониторингини, давлат ўрмон кадастрини, ўрмонларнинг давлат хисобини юритишни ҳамда ўсимликтарни олинишни ташкил этиш;



ва ҳайвонот дунёси объектлари қатъий хисобини белгиланган тартибда олиб боришни ташкил этиш;

жисмоний ва юридик шахсларга давлат ўрмон фонди ерларида ўсимлик дунёси объектларидан махсус фойдаланиш учун рухсатномалар бериш;

давлат ўрмон фондидан жисмоний ва юридик шахсларга пичан ўриш, чорва молларини ўтлатиш (бокиш) ҳамда асалари уялари ва қутиларини жойлаштиришга ер майдонлари ажратишга хужжатларни расмийлаштириш;

давлат ўрмон фонди ерларида ўсимлик ва ҳайвонот дунёси объектларини муҳофаза қилиш, қайта тиқлаш мақсадларида биотехник тадбирларни амалга оширилишини таъминлаш;

давлат ўрмон фонди ерларида ўрмонни муҳофаза қилиш ва ундан фойдаланиш соҳасида идоравий назоратни амалга ошириш;

ўрмон фонди ҳудудларида содир этилган маъмурий ҳуқуқбузарликлар тўғрисида далолатномалар тузиш;

ўрмон, ўсимлик ва ҳайвонот дунёси объектларини муҳофаза қилиш ва ундан фойдаланиш соҳасида ҳуқуқбузарлардан табиатга етказилган заар суммаларини ундириш ва ҳуқуқбузарларга нисбатан судда ёки ҳуқуқни муҳофаза қилиш органлари томонидан ишни қўриб чиқилишида қатнашиш;

жисмоний ва юридик шахсларга ўрмон хўжалигини юритишга доир қонун хужжатлари бузилишини, ўрмонларни муҳофаза қилиш ва ҳимоя қилиш, ўрмон ресурсларидан фойдаланишдаги нуксонларни бартараф этиш тўғрисида ёзма кўрсатмалар бериш;

Муассаса ходимларини меҳнатига ҳақ тўлаш, рағбатлантириш, мукофотлаш ва бошқа рағбатлантиришларни қонун хужжатларида белгиланган тартибда амалга ошириш;

Муассаса қонун хужжатларига мувофиқ бошқа ҳуқуклардан ҳам фойдаланиши мумкин.

12. Муассаса ўз ваколатлари доирасида номатив-ҳуқукий хужжатларни қабул қилишга ҳақли.

13. Муассаса ва унинг мансабдор шахслари давлат хизматчилари ўзларига юкланган вазифалар ва функцияларнинг самарали бажарилиши учун жавоб берадилар.

#### **4-боб. Муассаса фаолиятини ташкил этиш**

14. Муассаса директори маҳаллий ҳокимият тавсиясига кўра, Тошкент вилояти Угам-Чотқол миллий табиат боғи ўрмон хўжалиги бошкармаси билан келишилган холда Ўзбекистон Республикаси Ўрмон хўжалиги давлат қўмитаси томонидан лавозимига тайинланади ва лавозимдан озод этилади.



Муассаса раҳбарининг тавсиясига кўра бош ўрмонбеги, бош хисобчиси ва раҳбар ўринбосари Тошкент вилояти Угам-Чотқол миллий табиат бори ўрмон хўжалиги бошқармаси билан келишилган холада Ўзбекистон Республикаси Ўрмон хўжалиги давлат қўмитаси томонидан лавозимига тайинланади ва лавозимдан озод этилади.

15. Муассаса раҳбари : Хўжалик фаолиятига умумий раҳбарликни амалга оширади ҳамда корхонага юкландган вазифалар ва функцияларнинг бажарилиши учун шахсан жавоб беради;

давлат органларида ва бошқа ташкилотларда корхона номидан вакиллик қиласи ёхуд корхона номидан ишончнома ва (ёки) ваколатлар беради;

Муассасага ажратилган молиявий ва моддий маблағларни белгиланган тартибда тасарруф этади;

Муассаса ваколатига кирувчи масалалар бўйича карорлар кабул қиласи, хўжаликнинг давлат хизматчилари ваколатлари, мажбуриятлари ва жавобгарлик даражасини белгилайди;

Муассаса ҳудудий бўлинмалари ходимлари бажариши мажбурий бўлган буйруклар чиқаради ва кўрсатмалар беради;

Муассаса ходимларни рағбатлантириш ва интизомий жавобгарликка тортиш масалаларини ҳал этади, алоҳида ўрнак кўрсатган ходимларни Ўзбекистон Республикасининг давлат мукофотлари билан тақдирлашга тавсия этади.

16. Муассаса раҳбари конун ҳужжатларига мувофиқ бошқа ваколатларга эга.

### **5-боб. Муассасани молиялаштириш ва ходимларини моддий рағбатлантириши**

Ўзбекистон Республикаси Давлат бюджети, бюджетдан ташқари ривожлантириш жамғармаси, Ўрмон хўжалигини ривожлантириш жамғармаси маблағлари ва қонун ҳужжатларида такиқланмаган бошқа маблағлар;

Ўрмон хўжалиги мансабдор шахслари ва давлат хизматчилари ўзларига юкландган вазифалар ва функцияларнинг самарали бажарилиши учун жавоб берадилар.

17. Муассаса хисобидан давлат инспекторлари қонун ҳужжатларида белгиланган намунадаги кийим-бош билан таъминланадилар.

18. Ўрмон инспекторлари, хизматни ўташ даврида қонун ҳужжатларида белгиланган тартибда хизмат куроли, унинг ўқ-дорилари ва маҳсус воситалар, рақамли жетон, дурбин, авто-мото ёки от-улов, қонунчилик ҳужжатлари тўплами,



баённома бланкалари ва уни рўйхатга олиш китоби ва хизматга зарур бошка инвентарлар билан таъминланадилар.

19. Муассаса қонун хужжатларида белгиланган тартибда соҳа ходимларининг ҳаётини суғурталаш, уларни моддий ва маънавий рағбатлантириш ҳамда ижтимоий муҳофаза қилиш тадбирларини амалга оширади.

20. Ходимларнинг иш ҳаки қонун хужжатларида назарда тутилган лавозим маоши, мукофотлар, қўшимча ҳаклар ва устамалар, рағбатлантириш тўловлари, шунингдек қўшимча моддий рағбатлантириш тўловларидан иборат бўлади.

#### **6-боб. Якунловчи қоида**

21. Муассасани кайта ташкил этиш ва тугатиш қонун хужжатларида белгиланган тартибда амалга оширилади.

Тошкент давлат ўрмон  
хўжалиги директори



Ж.Абдураззоков



O'ZBEKISTON RESPUBLIKASI  
YURIDIK SHAXSNI DAVLAT RO'YXATIDAN O'TKAZISH TO'G'RISIDA

# GUVOHNOMA

Reestr № **253-02**

№ **000253**

2018 yil "28" iyun

Mazkur guvohnoma

**""TOSHKENT" DAVLAT O'RMON XO'JALIGI"**

yuridik shaxsga berildi.

Tashkiliy-huquqiy shakli:

*Davlat mulki*

**THSHT (ОПФ)**

**270**

Mulkchilik shakli:

*Davlat*

**MSHT (ФС)**

**200**

Davlat ro'yxatidan o'tgan kundagi pochta manzili:

*Toshkent viloyati Piskent tumani*

**MHBT (COATO)**

**1727250501**

*Amir Temur ko'chasi 57-uy*

**KTUT (ОКПО)**

**00995744**

Yuridik shaxs kodi:

**STIR (ИНН)**

**200663214**

Soliq to'lovchining identifikasiya raqami:

Qo'shimcha ma'lumotlar:

*Avval Toshkent shahar Bektemir tumanida ro'yxatga olingan*

Vakolatli organ boshlig'i:

*J. Atayev*

